

Obavještavamo zainteresovane kandidate da će Vlada Republike Rumunije, u skladu sa svojom odlukom br. 288/1993, dodijeliti 85 stipendija za redovne i postdiplomske studije u Rumuniji građanima **iz zemalja koje nisu članice EU** (bez obzira na zemlju prebivališta). Prioritet će se dati građanima iz zemalja koje nisu članice EU sa kojima Rumunija nema ugovore u oblasti kulture i obrazovanja.

Stipendije se dodjeljuju za tri nivoa studija:

- a) *osnovne studije*: Ovaj nivo je namijenjen maturantima gimnazija i srednjih škola, ili ekvivalentu preduniverzitetskog nivoa, kao i kandidatima koji žele ekvivalentiju djelimično obavljenih studija i nastavak studija u Rumuniji. Ukupni ciklus univerzitetskih studija traje od 3 do 6 godina, u skladu sa posebnim zahtjevima odabranog fakulteta, a završava se konačnim ispitom (diplomski);
- b) *za 2. ciklus (master)*: Ovaj nivo je namijenjen diplomiranim studentima univerziteta/postdiplomcima, traje od 1,5 do 2 godine, a završava se disertacijom;
- c) *za 3. ciklus (doktorat)*: Ovaj nivo je namijenjen diplomiranim studentima/postdiplocima (sa master titulom); traje 3-4 godine, shodno zahtjevima odabranog fakulteta, a završava se doktorskom tezom.

Prioritetne oblasti: prioritet će se dati kandidatima koji apliciraju za oblast političkih nauka, administracije, obrazovanja, rumunske kulture i civilizacije, novinarstva, tehničkih nauka, nafte i gasa, poljoprivrede, veterine, medicine, arhitekture, muzike i umjetnosti.

Jezik studiranja: kako bi promovisalo rumunski jezik i kulturu, Ministarstvo nacionalnog obrazovanja je odlučilo da korisnici ovih stipendijskih programi **treba da studiraju samo na rumunskom jeziku**. Kandidatima koji ne znaju rumunski jezik nudi se dodatna pripremna godina za učenje rumunskog jezika. Studenti koji izjave da već znaju rumunski jezik, u obavezi su da polažu test rumunskog jezika koji organizuju kompetentne institucije visokog obrazovanja.

2. Stipendija se sastoji od:

- **Oslobađanja od školarine**
- **Besplatnog smještaja** (u zavisnosti od slobodnih mjesta, biće ponuđen besplatan smještaj u studentskim domovima, u skladu sa propisima o visokom obrazovanju i u okviru granica raspoloživih sredstava za ovu svrhu)
- **Finansijske podrške** – mjesečni iznos koji predstavlja:
 - Ekvivalent u rumunskoj valuti iznosa od 65 eura mjesečno, za redovne studije (1. ciklus),
 - Ekvivalent u rumunskoj valuti iznosa od 75 eura mjesečno, za postdiplomske studije (magistarske i specijalizacije), 2. ciklus,
 - Ekvivalent u rumunskoj valuti iznosa od 85 eura mjesečno, za postdiplomske studije 3. ciklusa (doktorsko zvanje).

Ove stipendije ne pokrivaju troškove ishrane, međunarodnog i lokalnog transporta. Kandidat mora biti spremjan da lično plati sve ostale dodatne troškove.

- **Kalendar finansijske podrške:**

Navedeni iznosi isplaćuju se studentima 1. i 2. ciklusa tokom cijele akademske godine, uključujući zimski i proljećni raspust, ali ne i tokom ljetnjeg raspusta. Za redovne studente 3. ciklusa (doktorat) mjesecni iznos se isplaćuje tokom cijele kalendarske godine.

Važno za dobitnike stipendija (redovne i postdiplomske studije): *Stipendije će biti obustavljene ako student, bilo kojeg ciklusa, ponovi godinu zbog loših rezultata. Stipendiranje može biti obnovljeno sljedeće akademske godine, nakon što student uspješno završi ponovljenu godinu. Studenti koji ponove akademsku godinu moraju platiti pune troškove školovanja i smještaja.*

3. Upis

Kako bi dobili sve potrebne informacije o stipendijama (uslovi, potrebna dokumentacija, kalendar upisa) i podnijeli prijavnu dokumentaciju, kandidati treba da se direktno prijave na sljedeće adrese:

- Rumunsko diplomatsko predstavništvo akreditovano u zemlji porijekla ili prebivališta kandidata.
- Diplomska misija kandidatove zemlje porijekla, akreditovana u Bukureštu.

Prijavna dokumentacija podnijeta poštom, ili direktno Ministarstvu vanjskih poslova Rumunije, ili Ministarstvu obrazovanja, omladine i sporta Rumunije, kao i prijavna dokumentacija podnijeta nakon najavljenog krajnjeg roka, neće biti uzeta u razmatranje.

Aplikaciona dokumentacija mora biti prevedena na engleski ili francuski jezik.

Ukoliko aplikacioni dosije sadrži dokumenta na drugim stranim jezicima, osim engleskog ili francuskog, onda ona treba da budu podnijeta uz prevod sudskega tumača za neki od sljedećih jezika: rumunski, engleski, ili francuski. Obično, rumunski univerziteti mogu zahtijevati da sva upisna dokumentacija bude praćena ovjerenim prevodima sudskega tumača za rumunski jezik.

Od najvećeg značaja je pravilno popunjavanje formulara.

4. Kalendar upisa:

Krajnji rok za podnošenje prijavne dokumentacije utvrđuju diplomatske misije.

5. Spisak dokumenata neophodnih za aplikacioni dosije

5.1. Propratno pismo izdato od diplomatske misije zemlje porijekla, akreditovane u Bukureštu, ili rumunske ambasade u datoј zemlji.

5.2. Pravilno popunjten prijavni formular Ministarstva vanjskih poslova (MFA) Rumunije I (MAE) za stipendiju za školovanje u Rumuniji.

5.3. Prijavni formular Ministarstva obrazovanja, istraživanja, omladine i sporta (MECTS) za *Pismo o prihvatanju na studije u Rumuniji*. Ukoliko je kandidatov dosije prihvatilo i Ministarstvo spoljnih poslova (MAE) i selekciona tijela Ministarstva obrazovanja, istraživanja, omladine i sporta (MECTS), tada Ministarstvo obrazovanja, istraživanja, omladine i sporta izdaje i šalje kandidatu *Pismo o prihvatanju* (Letter of acceptance) na studije po rumunskom obrazovnom sistemu, na osnovu pravilno popunjeno prijavnog formulara.

Pismo o prihvatanju je neophodno za registrovanje na univerzitetu i za apliciranje za vizu za duži boravak.

5.4. Ovjerene kopije dokumenata o školovanju (srednjoškolska i univerzitetska diploma, ako je neophodno) i njihovi ovjereni prevodi **na rumunskom, francuskom ili engleskom**, ukoliko je potrebno

Napomena: Ukoliko je kandidat još uvijek na posljednjoj godini preduniverzetskog školovanja, dosije mora da sadrži i dokument (i njegov ovjereni prevod) kojim se potvrđuje godina školovanja i činjenica da će kandidat diplomirati krajem 2015-2016. školske godine, navodeći datum kada će se diploma izdati. Ukoliko kandidatov aplikacioni dosije bude prihvaćeni, on je dužan da diplomatskoj misiji, do 19. avgusta 2016. godine, dostavi ovjerenu kopiju diplome i njen ovjereni prevod, ili, ako je to slučaj, kopiju dokumenta koji potvrđuje da je kandidat diplomirao, takođe navodeći datum kad je diploma izdata.

Kandidati za postdiplomske studije moraju podnijeti sve diplome o prethodnom školovanju, sa ovjerenim kopijama diploma i njihovim ovjerenim prevodima.

5.5. Ovjerene kopije i ovjereni prevodi prepisa ocjena sa dosadašnjeg školovanja

Napomena: Preduniverzitetski kandidat koji se upisuje po rumunskom univerzitetskom sistemu, moraće da podnese ovjerenu kopiju prepisa ocjena sa posljednjeg ciklusa školovanja, napr. uspjeh iz srednje škole ili njenog ekvivalenta. Studenti koji su na posljednjoj godini studija podnijeće prepis ocjena iz prethodnih godina i sa prvog dijela tekuće školske godine (do datuma podnošenja).

U slučaju da kandidat zahtijeva ekvivalenciju djelimično obavljenih studija i nastavak studija u Rumuniji, prepis ocjena mora biti praćen ovjerenom kopijom i ovjerenim prevodom curriculum-a za djelimične studije koje su, do tada, obavljene.

Ukoliko diplomirani visokoškolac aplicira za postdiplomske studije, neophodno je da podnese ovjerene kopije svih dokumenta koja potvrđuju do sada stečeno obrazovanje, uključujući i pregled ocjena kao dopunu diplome.

5.6. Ovjerena kopija i ovjereni prevod izvoda iz matične knjige rođenih

5.7. Ovjerena kopija pasoša

5.8. Ljekarsko uvjerenje koje potvrđuje da kandidat ne boluje od neke zarazne bolesti ili drugih oboljenja nespojivih sa budućom profesijom

5.9. Kandidatov CV

5.10. Četiri skorije fotografije, pasoškog formata.

Ovjeru dokumenata rade javni notari u zemljama boravišta,

6. Provjera aplikacija i izbor

Ministarstvo spoljnih poslova (MAE – DDPCS) provjerava aplikacione dosijee i podnosi valjano formirane aplikacije Izbornoj komisiji ovog Ministarstva. Dosijea koja izabere ova Komisija biće upućena Izbornoj komisiji Ministarstva nacionalnog obrazovanja.

Komisije će odobriti spisak od 85 prihvaćenih kandidata, kao i listu čekanja, u slučaju da neko od dobitnika stipendija odustane.

7. Objavljivanje rezultata

Rezultati selekcije biće dostavljeni do 25. juna 2016. godine svakoj diplomatskoj misiji koja je podnijela aplikaciona dosjea.

8. Obavezni koraci nakon prihvatanja

MECTS (Ministarstvo obrazovanja, istraživanja, omladine i sporta Rumunije) izdaće uspješnim kandidatima **Pismo o prihvatanju** na školovanje u Rumuniji (**Letter of Acceptance**). U tom pismu će biti navedena i dodatna pripremna godina za obavezno učenje rumunskog jezika (ukoliko je to slučaj), naziv akademske institucije na kojoj će se kursevi održati.

Ukoliko kandidat ne navede dvije opcije u prijavnom formularu, a izabrani univerzitet ne može da mu ponudi mjesto, Ministarstvo obrazovanja (MECTS) može da mu ponudi drugi univerzitet (za isti fakultet), u skladu sa raspoloživim mjestima na rumunskim institucijama za visoko obrazovanje. Ukoliko je u pismu o prihvatanju navedena još neka ponuda, kandidat može da je odbije.

Nakon što dobije Pismo o prihvatanju, kandidat će kontaktirati Ambasadu Rumunije u svojoj zemlji porijekla/zemlji prebivališta, kako bi aplicirao za vizu za dugi boravak (za rumunske diplomatske misije pogledati vebajt: <http://www.mae.ro/en/romanian-missions>; prijave se moraju podnijeti **do 11. jula 2016. godine**.

Kandidat treba da formira dosije sa svom potrebnom dokumentacijom: kopija diplome i ovjereni sudske prevod diplome i ovjereni prevod diplome, ili uvjerenja koje potvrđuje da je kandidat završio srednju školu, univerzitet, ili odgovarajuću instituciju, napominjući datum kad je diploma izdata.

Diplomske misije koje su do bile rezultate izbora treba da pošalju ministarstvima vanjskih poslova, faksom ili elektronskom poštom) sljedeće:

- do 11. jula 2016, potvrdu o odluci za svakog kandidata da koristi ovu stipendiju;
- do 19. avgusta 2016, ukoliko je to slučaj, kopiju diplome i ovjerenog prevoda diplome ili uvjerenje da je kandidat završio srednju školu, Univerzitet ili odgovarajuću instituciju, navodeći datum kad je diploma izdata.

Ukoliko diplomatska misija ne pošalje potvrdu za kandidata, ili ako kandidatov dosije nije kompletiran sa navedenom dokumentacijom, Selekcionalna komisija će će smatrati da je stipendija odbijena i automatski prenijeta na kandidata sa liste čekanja.

- Do 1. oktobra 2016, kandidati moraju lično doći da se registruju u rumunskom Ministarstvu obrazovanja, naučnog istraživanja - Odsjek za međunarodne odnose (General Berthelot Street nr. 28-30, sector 1, Bucharest, tel. 0040 (0) 21 405 62 12; fax: 0040 (0) 21 312 66 14).
- Kandidati treba da podnesu sljedeći dosije:
 - Sve originale dokumenata koje su stavili u inicijalni dosije
 - Pismo o prihvatanju na studije
 - Pasoš sa vizom za duži boravak.

Dobitnici stipendija dobiće ministarsku odluku koju treba da, zajedno sa navedenom dokumentacijom, podnesu prilikom registrovanja u Sekretarijat univerziteta koji ih prihvata.

Detaljnije informacije i potrebne prijavne formulare zainteresovani kandidati mogu dobiti na vebajtu rumunskog Ministarstva spoljnjih poslova:

<http://www.mae.ro/en/node/2176>

Krajni rok za podnošenje dokumentacije Ambasadi Rumunije u Podgorici je **17. februar 2016. godine**,

Adresa: **Ambasada Rumunije**

Prve proleterske br. 5, 81000 Podgorica

Telefon br. 020 618 040

(rad sa strankama od 9 do 13 časova)

Nepotpuna dosjeda neće se uzeti u razmatranje, a odbijena dosjeda se ne vraćaju.